

春秋三傳異同考
大誓史答問



60441

Z121
1
13707
春秋三傳異同考

吳陳琰纂

中華書局

春秋三傳異同考

此據藝海珠塵本
排印初編各叢書
僅有此本

春秋三傳異同考

清

吳陳琰纂

陳琰字寶盛一字芋町浙江錢塘人官山東花平縣知縣

春秋魯史也。而實經也。左氏公羊氏穀梁氏釋經者也。故名傳也。傳以釋經。而三家互有異同。何也。蓋孔子作春秋。筆削一出自己斷。親炙如游夏。不能贊一辭。何惑乎傳聞者之互有異同也。有異同。斯有得失矣。或謂孔子當定哀間。多微詞。復祕不以教人。故諸弟子言人人殊。或謂公穀自云得之子夏。左氏則得之親見。故紀事尤詳。愚竊謂孔子未嘗祕春秋。特知者寡耳。三家親見與傳聞不可知。大抵三傳始皆口授。自學者著爲竹帛。遞相傳會。迺愈多異辭。總以合於經者爲得。其不合者均失焉。昔朱子刻春秋於臨漳郡。止用左氏經文。而曰公穀二傳所以異者。類多人名地名。而非大義所繫。故不能悉。然人名地名之異。或由語音字畫之訛。壹從左氏宜矣。其中亦有左氏非公穀是者。且有一字殊而大義俱乖者。又烏得略而不論乎。愚請以人言之。一聲子也。公曰隱公之母。穀曰隱公之妻。左曰聲子。尊卑異也。一子氏也。公曰桓公之母。惠公之姜。穀曰惠公之母。孝公之姜。先後異也。一齊仲孫也。左曰齊大夫。公穀曰魯慶父孟孫仲孫異也。一杞侯也。左曰杞侯。公穀曰紀侯。姬姓姜姓異也。一尹氏也。左曰君氏。惠公之夫人。公穀曰尹氏。天子之大夫。男子婦人異也。一納捷菑也。左曰趙盾。公曰卻缺。穀曰卻克。大夫與大夫異。父與子又異也。至若君氏卒。公穀曰天子之大夫。左曰聲子。疏與親又異也。公子益師卒。不曰左以公不與小斂。故

不書日。穀以不日卒爲惡。事與情又異也。其以紀履緌爲紀裂縞。以紀子伯爲紀子帛。以子叔姬爲叔姬。以曹伯廬。蔡侯廬爲廬。左氏稱人之異也。以捷爲接。以鄭黎來爲倪黎來。以鄭詹爲鄭瞻。以公孫茲爲公孫慈。以曹伯班爲曹伯般。以卓爲卓子。以召伯爲毛伯。以先蔑爲先昧。以邲伯爲盛伯。以聲姜爲聖姜。以定姒爲定弋。以夷臯爲夷淦。以郤犇爲郤州。以韓厥爲韓屈。以士魴爲士彭。以齊侯環爲齊侯瑗。以鍼宜咎爲咸宜咎。以卑我爲鼻我。以陳孔奐爲陳孔瑗。以遼罷爲遼頗。以佞夫爲年夫。以國弱爲國酌。以齊惡爲石惡。以宋公成爲宋公戌。以滕子原爲滕子泉。以季孫意如爲季孫隱如。以公子慤爲公子慤。以夷朱爲夷昧。以朝吳爲昭吳。以戎蠻子爲戎曼子。以叔輒爲叔痊。以郁釐爲鬱釐。以章羽爲章禹。以黑肱爲黑弓。以公孫姓爲公孫歸姓。以杞伯成爲杞伯戊。以孔圉爲孔固。以晉士鞅爲趙鞅。以公子地爲公子池。以頓子牂爲頓子牂。以茶爲舍。以轅頗爲袁頗。以晉魏曼多爲晉魏多。以衛侯爲衛侯衍。以穆姜許穆公爲繆。以公孫薑鄭伯薑爲囂。以罕達罕虎爲軒。以甯速仲孫速鄭游速爲邈。以甯儀向甯鄭伯甯滕子寧爲甯。以陳侯杵臼宋君杵臼齊侯杵臼爲處。公羊稱人之異也。以無駭爲無佗。以仍叔爲壬叔。以語爲御。以公子友爲公子季友。以狐射姑爲狐夜姑。以叔爲叔。以公子變爲公子濕。以良霄爲良宵。以鱣爲專。以荀盈爲荀整。以楚子虔爲楚子乾。以世子有爲世子友。以蔡侯朱爲蔡侯東。以郤宛爲欽宛。穀梁稱人之異也。若其稱人之共異者。左公穀皆以衛伋爲衛實是也。稱人之兩異者。公穀皆以挾爲俠。以轅濤塗爲袁濤塗。以僂諸爲詭諸。以頽爲髡。以敬嬴爲頃熊。以洩冶爲泄冶。以曹公子首爲曹公子手。以髡頑爲髡原。

以公子駢爲公子斐。以黃爲光。以吳子遏爲吳子謁。以楚子麋爲楚子卷。以繫爲輒。以叔詣爲叔倪。以樂大心爲樂世心。以荀躒爲荀櫟。以叔仲彭爲叔彭生。以莒展輿爲莒展。左穀皆以叔孫舍爲叔孫姑是也。稱人之各異者。公以廌咎如爲將咎如。穀作廌如。公以成熊爲成然。一作成能。穀作成虎。公以邾子輕爲邾子聞。穀作邾婁子聞是也。請以地言之。戎一而已。左公皆作伐戎。而穀獨作伐我。彼與此有異焉。邾一而已。左穀皆作取邾。而公獨作取詩。國與邑有異焉。邾一而已。左公皆作邾。而穀獨作緡。邾一而已。左穀皆作邾。而公獨作邶。字形之異也。邾一而已。左穀皆作邾。而公獨作邾婁。沙一而已。左穀皆作沙。而公獨作沙澤。詳略之異也。至若以時來爲邾黎。以邾爲盛。以虛爲邾。以襄爲修。以倪爲兒。以夷儀爲陳儀。以偃爲纓。以變爲隗。以須句爲須胸。以翟泉爲狄泉。以棠爲斐。以棠林爲斐林。以崇爲柳。以陸渾之戎爲賁渾戎。以釋爲蕢。以莒爲衛。以無婁爲牟婁。以瑣澤爲沙澤。以邾爲合。以桃爲洮。以防爲邶。以禘祥爲侵羊。以厥慝爲屈銀。以昌間爲昌姦。以陽州爲揚州。以拔爲技。以臯鼬爲浩汕。以柏舉爲柏莒。以邾爲費。以垂葭爲垂瑕。以檇李爲醉李。以啓陽爲開陽。以亳社爲蒲社。以闡爲憚。以邾爲邶。以安甫爲葦。一作案。以毗爲比。一作芑。公羊之稱地又異焉。以曲池爲殿蛇。以甯母爲寧母。以緡爲閔。以舒蓼爲舒鄆。以哀婁爲爰婁。以偃陽爲傅陽。以台爲郃。以邾爲蓼。以雞父爲雞甫。穀梁之稱地又異焉。若夫以承筐爲承匡。左公穀之稱地。又皆異焉。以邾爲成。左公之稱地又並異焉。以蔑爲昧。以昉爲邶。以浮來爲包來。以戴爲載。以禚爲郛。以滑爲郎。以莒爲暨。以邾爲微。以下陽爲夏陽。以首止爲首戴。以垂隴爲垂斂。以笙爲棹。以茅戎爲賈。

戎以善道爲善稻。以鄆爲操。以毫城北爲京城北。以雍榆爲雍渝。以大鹵爲大原。以賴爲厲。以夾谷爲類。谷。公穀之稱地。又並異焉。公以渠蔭爲籙蔭。左亦作籙。公以艾爲鄆。穀則作蕩。公以鄆爲犂。穀則作麗。公以訾婁爲證。穀則作訾樓。公以鄆丘爲犀丘。穀則作師丘。公以狸脈爲狸軫。穀則作狸蜃。公以號爲鄆。穀則作郭。公以蚡泉爲潰泉。穀則作賁泉。左公穀之稱地。又自爲異焉。其餘或侯齊宋。或人齊宋。或以楚子爲楚人。或以許男爲許伯。或以公孫爲公子。或以世叔爲太叔。或以齊師爲齊侯。或加曹伯。或加邾人。或闕叔孫。而且或有鄭衛。或無鄭衛。或以晉侯爲齊侯。或以齊欒施爲晉欒施。或以衛公叔戌爲晉公叔戌。此類甚夥。皆人與地之較然不同者也。至其以會邾爲及。則內外不同矣。以逆王姬爲送。則往來不同矣。以大咎爲大省。則天人不同矣。以宣榭爲宣謝。則廟榭不同矣。他如以殺爲弑。以叛爲畔。以災爲火。以救爲侵。以渝平爲輸平。以鵲鴿爲鵲鴿。皆事物之不同。以春王二月爲正月。以春王三月爲正月。以甲子爲甲戌。以己亥爲乙亥。以日下昃爲下稷。以大雨雹爲雨雪。皆時日之不同。其或音異而名同。有括結嘉喜之類。或音同而文異。有洧蒞帥率殲。克冠蠡。蟻阻。實谿溪之類。其他紀載之有無。字數之增損。殊難更僕數也。雖然。此猶其小者也。論其旨趣之異同。則得失亦相因而見。卽如春秋嘗有闕文矣。夏五郭公。孔子亦承闕文之疑。而姑闕之。若齊人衛人鄭人盟于惡曹。而宋不書。亦闕也。而左氏補之。趙盾帥師救陳宋。而經無宋。亦闕也。而左氏亦補之。可不必補者也。然猶未爲非也。彼黑肱以濫來奔。黑肱之上當有邾。亦闕也。而公羊解曰。文何以無邾婁。通濫也。則謬甚矣。其失一也。春秋蓋有教戒矣。書法以垂教也。書

事以垂戒也。三家不明教戒之義。而但以褒貶爲說。有一事而或以爲褒。或以爲貶者。有事同而前以爲褒。後以爲貶者。有以書爵書字。或稱氏稱族爲褒者。有以書名去氏去族爲貶者。有以日月地名之書不書爲褒貶者。然其中亦或事一而名爵異書。罪大而世族不削。則又何辭以解乎。而後儒猶曲爲之解。則愈非也。其失二也。春秋亦有義例矣。如加王於正。削吳楚僭號。而從其本爵之類。是義也。而要非字字有義。如三傳所云也。如書其君歿曰薨。外諸侯曰卒。內大夫書卒。外大夫不書卒之類。是例也。而要非字字有例。如三傳所云也。其失三也。若三家之所得。亦非一端。如論刺公子賈以說於晉。論日蝕不書朔者官失之。此類則左氏爲得。如論三國從王伐鄭爲正。論如齊觀社爲觀齊女。此類則公羊爲得。如論築館於外。爲變之正。論陳牲不殺。以明天子之禁。此類則穀梁爲得。至三家離經作傳之失。亦非一端。如以萇宏爲違天。以兵諫爲愛君。以納幣爲用禮。以歸祔爲易許田。以歸賵爲豫凶事。此類非左氏之失乎。如以王正月爲王魯。以成周爲新周。以廢君爲行權。以圍戚爲伯討。以妾母稱夫人爲合正。此類非公羊之失乎。如以不諱敗績爲惡內。以不納子糾爲內惡。以獲麟爲成文所致。以拒父爲尊祖而得禮。以戎伐凡伯於楚丘爲衛。此類非穀梁之失乎。如齊仲孫來以爲魯慶父。魯滅項以爲齊實滅之。此類非公穀之均失乎。若夫以公薨爲攝。以弑君爲趙穿。以弑君爲不嘗藥。三家之失。自歐陽永叔鄭夾漈屢辨之矣。昔馬融著三傳異同說。唐志有李鉉春秋二傳異同十一卷。李氏三傳異同例十三卷。馮伉三傳異同三卷。今皆不存。趙氏又嘗攷其舛謬。凡二百六十條。陸氏纂例三傳經文舛謬。凡二百四十一條。自言考校從其有義。

理者。然往往亦多言。未知孰是。兼恐舛謬不止於此。故先儒猶惜其與奪未能悉當。欲更爲釐定焉。愚皆未見其書。今祇以居嘗辨正者。略著於篇。大約三傳不可盡信。不可不並存。學者當思未有傳以前。春秋之旨安在。而後三傳皆可備折衷。其諸讀書能觀大意者與。